



Philosophie, Ethik für Sek II

Filosofix

8. L'uffant en il puz

3:03 Minuten

- 00:04** Oz es ti ina professura enconuschenta. Ti fas ina buna parita: nov vestgì, novs chalzers glischants. En 15 minutas entschaiva tia prelecziun.
- 00:17** Sin via en la sala da prelecziun passas ti tar in puz.
- 00:24** Tge è quai?
- 00:30** Senza patratgar siglias ti en il puz e salvas l'uffant. La vestgadira e las stgarpas èn ruinadas, la prelecziun è persa.
- 00:43** Per tai èsi dentant clerischem: ti has fatg *igl* unic gist. La vita d'in uffant vala bler dapli ch'in vestgì, chalzers ed ina prelecziun cun success.
- 00:54** Suenter tia acziun da salvament vegns ti a chasa ed has survegni posta, posta dad ina organisaziun da svilup. Ella intimescha da dar daners a favur dals uffants fomentads en Nigeria. Cun diesch francs garanteschas ti il nutriment d'in uffant per l'entir mais. Uschiglio mora il mat. Das ti ils daners?
- 01:19** Sche betg: Pertge siglias ti en il puz e ruinas chars vestgids da marca per salvar la vita d'in uffant, ma na das perencunter betg diesch francs per in uffant en Africa?
- 01:31** "Quai n'è betg il medem", dis ti. Pertge betg? Èn ils uffants en Africa forsa memia dalunsch davent?
- 01:40** Mess il cas ch'in da tes amis fetschia cun ses figl ina safari en Africa.
- 01:53** Ses figl vegn blessà grevmain e tes ami ta dumonda da trametter immediat daners, per che l'uffant possia vegnir tgirà en l'ospital. Ti organisassas ils daners – u betg?
- 02:08** La distanza geografica na fa pia nagina differenza.
- 02:12** U na das ti forsa nagut, perquai che ti es malsegira, sche l'uffant fomentà survegn propi tes agid u sch'i profitassan las faussas personas?
- 02:28** Sche ti trasfereschas daners per l'uffant da tes ami, na sas ti er betg, sch'els vegnan forsa en griflas d'autoritads corruptas. Na tramettas ti forsa perquai nagins daners a tes ami?
- 02:41** Per tai èsi cler: l'uffant ch'è crudà en il puz stos ti salvar. Stos ti er dar daners?